

ხელშეკრულება
სახელმწიფო შესყიდვების შესახებ N 01-03-180

ქ. თბილისი

19 სექტემბერი 2017 წელი

შემსყიდველი: სსიპ – მასწავლებელთა პროფესიული განვითარების ეროვნული ცენტრი, წარმოდგენილი ცენტრის დირექტორის მოვალეობის დროებით შემსრულებლის დავით ხვედელიძის სახით;

მისამართი: ქ. თბილისი, გმირ კურსანტთა ქ. №4;

საიდენტიფიკაციო კოდი: 202374251;

საბანკო რეკვიზიტები: სახელმწიფო ხაზინა, კოდი: TRESGE22, ა/ა: GE24 NB03 3010 0200 1650 22.

მიმწოდებელი: შპს „ბაკურიანი ინვესტ“, წარმოდგენილი მისი დირექტორის მარიკა კოპალიანის სახით;

მისამართი: ქ.თბილისი, დ.უზნაძის N8;

საიდენტიფიკაციო კოდი: 404463530;

საბანკო რეკვიზიტები: „თი ბი სი ბანკი“, ბანკის კოდი: TBCBGE22, ა/ა: GE75TB7983636080100004

ერთი მხრივ, შემსყიდველი და მეორე მხრივ მიმწოდებელი, ჩატარებული ელექტრონული ტენდერის (სატენდერო განაცხადის ნომერი SPA170011756) გათვალისწინებით, დებენ წინამდებარე ხელშეკრულებას შემდეგზე:

მუხლი 1. ხელშეკრულებაში გამოყენებულ ტერმინთა განმარტება

1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით;

1.2. „ვალდებულების არაჯეროვანი შესრულება“ – ვალდებულების ხელშეკრულების პირობებთან შეუსაბამოდ, არასრულად, უხარისხოდ შესრულება.

1.3. „ხელშეკრულებით ნაკისრი ვალდებულების შესრულების ვადების გადაცდენა“ – მხარის მიერ ნაკისრი ვალდებულების ხელშეკრულებით განსაზღვრულ ვადაში შეუსრულებლობა.

მუხლი 2. ხელშეკრულების საგანი

ხელშეკრულების საგანს წარმოადგენს სსიპ-მასწავლებელთა პროფესიული განვითარების ეროვნული ცენტრისთვის სასტუმრო-საკონფერენციო მომსახურების (55110000 - სასტუმროში დაბინავების მომსახურება, 55120000 - სასტუმროში შეხვედრებისა და კონფერენციების ორგანიზების მომსახურება, 55130000 - სასტუმროსთან დაკავშირებული სხვა მომსახურებები) შესყიდვა.

მუხლი 3. ხელშეკრულების ღირებულება

3.1. შესასყიდი ობიექტის ფასი განისაზღვრება ეროვნულ ვალუტაში;

3.2. შესასყიდი მომსახურების ღირებულება (შემდგომში „ხელშეკრულების ღირებულება“) შეადგენს 14567.1 (თოთხმეტი ათას ხუთას სამოცდაშვიდი ლარი და 10 თეთრი) ლარი დღგ-ს ჩათვლით.

3.3. გასაწევი მომსახურების ჩამონათვალი, რაოდენობა და ერთეულის ფასები მოცემულია დანართში N1.

3.4 დაფინანსების წყარო: სსიპ - მასწავლებელთა პროფესიული განვითარების ეროვნული ცენტრის სტრატეგიული კვლევების და ანალიზის პროგრამის ფარგლებში.

მუხლი 4. შესასყიდი ობიექტის ხარისხი

4.1 მიმწოდებელი პასუხისმგებლობას კისრულობს, რომ გაწეული მომსახურება შეესაბამება წინამდებარე ხელშეკრულების პირობებს, კერძოდ:

4.1.1 საკონფერენციო, სატრენინგო მომსახურება უნდა განხორციელდეს შემდეგნაირად:

ა) სასტუმროში უნდა იყოს უწყვეტი ინტერნეტ მომსახურება (WI-FI) და არანაკლებ 2 (ორი) სატრენინგო ოთახი (კონსტრუქციების მეშვეობით გადატიხვრა არ განიხილება) და ასევე 1 (ერთი) საკონფერენციო დარბაზი.

ბ) ტექნიკური ინვენტარი: 2 (ორი) უკაბელო მიკროფონი, მაგიდის მიკროფონი 6 (ექვსი), ნოუთბუქი, ფლიპჩარტის ქაღალდი 6 (ექვსი) ცალი, ფლიფჩარტის დაფა არანაკლებ 3 (სამი) ცალი, ბლოკნოტი და საწერი კალმები თითოეულ მონაწილეზე, მარკერები სხვადასხვა ფერის, თაბახის ფურცელი A 4 ზომის, პროექტორი, ეკრანი, ქაღალდის სკოჩი - 6 (ექვსი) ცალი, ფერადი სტიკერები (მინ. სამი სხვადასხვა ფერის) 16 (თექვსმეტი) შეკვრა. სასტუმროს ადმინისტრაცია მოვალეა უზრუნველყოს თითოეული მონაწილე არანაკლებ 1 ლიტრი სასმელი წყლით.

4.1.2. მონაწილეთა სასტუმროში დაბინავების მომსახურება უნდა განხორციელდეს შემდეგნაირად:

ა) 20 (ოცი) ადამიანი - მაქსიმუმ 2 (ორ) ადგილიან ნომრებში ცალ-ცალკე საწოლებით (გასაშლელი საწოლები არ განიხილება).

ბ) 25 (ოცდახუთი) ადამიანი - ინდივიდუალურ ნომრებში.

გ) ოთახებში დაცული უნდა იყოს სანიტარული ნორმები;

დ) სასტუმროს თითოეულ ნომერს უნდა ჰქონდეს სველი წერტილები, ცივი და ცხელი წყალი (24 საათი), გათბობა/გაგრილების გამართული სისტემა;

4.1.3. კვებითი მომსახურება უნდა განხორციელდეს შემდეგნაირად:

კვებითი მომსახურება უნდა მოიცავდეს სამჯერად კვებას და ყავა-ჩაის შესვენებას.

ა) საუზმე: შაქარი; რძე; პური (არანაკლებ 2 სახეობის); ყველი (არანაკლებ 2 სახეობის); ძეხვი (არანაკლებ 2 სახეობის); მაწონი; არაჟანი ან ნადული; ხაჭო; ცხელი კერძი (არანაკლებ 2 სახეობის) სეზონის ხილი; ნამცხვარი ხილით; ნამცხვარი სამარხო; სასმელი (ჩაი, ყავა, კომპოტი). ცომეული (არანაკლებ 2 სახეობის) ცომეული სამარხო (არანაკლებ 2 სახეობის);

ბ) სადილი: წვნიანი (არანაკლებ 2 სახეობის); წვნიანი სამარხო (არანაკლებ 1 სახეობის); რძის ნაწარმი (არანაკლებ 3 სახეობის); ცხელი კერძი (არანაკლებ 2 სახეობის); ცხელი კერძი სამარხო (არანაკლებ 1 სახეობის); სალათი (არანაკლებ 2 სახეობის); სალათი სამარხო (არანაკლებ 1 სახეობის); საწებელი (არანაკლებ 2 სახეობის); პური (არანაკლებ 2 სახეობის); დესერტი (სეზონის ხილი); სასმელი (ნატურალური წვენი, გაზიანი არალკოჰოლური სასმელი, მინერალური წყალი, კომპოტი).

გ) ვახშამი: შაშხი (არანაკლებ 1 სახეობის); გარნირი (არანაკლებ 2 სახეობის); ცომეული (არანაკლებ 2 სახეობის); ცომეული სამარხო (არანაკლებ 2 სახეობის); რძის ნაწარმი (არანაკლებ 3 სახეობის); ცხელი კერძი (არანაკლებ 2 სახეობის); ცხელი კერძი სამარხო (არანაკლებ 1 სახეობის); ყველი (არანაკლებ 2 სახეობის); სალათი (არანაკლებ 2 სახეობის); სალათი სამარხო (არანაკლებ 1 სახეობის);

საწებელი (არანაკლებ 2 სახეობის); დესერტი (სეზონის ხილი, ნამცხვარი); სასმელი (ჩაი, ყავა, ნატურალური წვენი, გაზიანი არალკოჰოლური სასმელი, მინერალური წყალი, კომპოტი). რძე.
დ) ყავის შესვენება/„კოფე ბრეიქი“, რომლის მენიუ უნდა იყოს შემდეგი: ყავა, ჩაი, არანაკლებ 2 სახის ნამცხვარი კრემით და ნამცხვარი სამარხო 1 სახის (ქარხნული დამზადების ე.წ. „პეჩენია“ არ განიხილება);

4.1.4 აუცილებელი მოთხოვნები:

ა) სასტუმროში დაბინავება, სატრენინგო მომსახურება და კვებითი მომსახურება მიმწოდებლის მიერ უნდა განხორციელდეს ერთ სივრცეში/შენობაში, ერთი სასტუმროს მიერ. ორ სხვადასხვა სასტუმროში/შენობაში დაბინავების, სატრენინგო და კვებითი მომსახურების შემოთავაზება არ განიხილება.

ბ) ნომრებსა და სატრენინგო ოთახებში უნდა იყოს გამართული კონდიციონერი (გათბობა/გაგრილების საშუალება). ტრენინგ ოთახები უნდა იყოს იზოლირებული და ერთმანეთისგან დამოუკიდებელი (ფარდით ან სხვა საშუალებით გამოყოფა არ მოიაზრება);

გ) ნომრები და სატრენინგო ოთახები არ უნდა იყოს სარდაფში ან ნახევრად სარდაფში. ოთახებს უნდა ჰქონდეს დღის ბუნებრივი განათება (უფანჯრო ოთახები არ განიხილება) და უნდა ნიავედებოდეს; სატრენინგო ოთახები არ უნდა ემიჯნებოდეს სამზარეულო სივრცეს

4.1.5. ტრანსპორტირება:

ა) ტრენინგის მონაწილეთა (45 კაცი) ტრანსპორტირება უნდა განხორციელდეს ქ. თბილისიდან (შემსყიდველის მიერ განსაზღვრული მისამართიდან) სასტუმრომდე და უკან;

ბ) ტრანსპორტირება უნდა განხორციელდეს ავტობუსით ან მაქსიმუმ 18 (თვრამეტი) ადგილიანი მიკროავტობუსებით;

გ) სატრანსპორტო საშუალება უნდა იყოს საექსპლუატაციოდ გამართულ მდგომარეობაში; ტრანსპორტირების დროს დაცული უნდა იყოს ყველა უსაფრთხოების ნორმა;

დ) სატრანსპორტო საშუალება აღჭურვილი უნდა იყოს გათბობა/კონდიციონერის გამართული სისტემით.

4.2 მიმწოდებელი აცხადებს, რომ გაწეული მომსახურება იქნება უნაკლო.

მუხლი 5. მომსახურების გაწევის ვადები და ადგილი

5.1 მომსახურების გაწევა განხორციელდება 2017 წლის 04-07 ოქტომბერს;

5.2 მომსახურების გაწევის ადგილი – დაბა ბაკურიანი, კობა წაქაძის N26, სასტუმრო „ბაკურიანი რეზორტს“.

მუხლი 6. შესასყიდი ობიექტის მიღება-ჩაბარების წესი

6.1 შესასყიდი ობიექტის მიღება ფორმდება შემსყიდველისა და მიმწოდებლის უფლებამოსილი წარმომადგენლების მიერ ხელმოწერილი მიღება-ჩაბარების აქტის საფუძველზე, რაც ასევე ადასტურებს მიმწოდებლის მიერ ნაკისრი ვალდებულებების შესრულებას;

6.2 მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია;

6.3 მიღება-ჩაბარების აქტზე ხელმოწერის უფლებამოსილება ენიჭება სსიპ - მასწავლებელთა პროფესიული განვითარების ეროვნული ცენტრის სტრატეგიული დაგეგმვის და ანალიზის სამსახურის მთავარ სპეციალისტს ხათუნა დოლიაშვილს. მიღება-ჩაბარების აქტის გაფორმების საფუძველია ინსპექტირების განმახორციელებელი პირის დასკვნა.

მუხლი 7. ანგარიშსწორება

- 7.1 ანგარიშსწორება განხორციელდება მიღება-ჩაბარების აქტის გაფორმების დღიდან 10 (ათი) სამუშაო დღის განმავლობაში;
- 7.2 ანაზღაურება მიმწოდებელთან განხორციელდება უნაღდო ანგარიშსწორების ფორმით, ეროვნულ ვალუტაში;
- 7.3 საავანსო ანგარიშსწორება არ გამოიყენება.

მუხლი 8. მხარეთა უფლება-მოვალეობანი

8.1 „შემსყიდველი“ ვალდებულია:

- 8.1.1 ხელშეკრულებით გათვალისწინებული პირობების შესაბამისად, აუნაზღაუროს „მიმწოდებელს“ გაწეული მომსახურების ღირებულება;
- 8.1.2 ხელშეკრულებით გათვალისწინებული მომსახურების გაწევისას საქმის კურსში ჩააყენოს „მიმწოდებელი“ ყველა განსაკუთრებული გარემოების შესახებ..

8.2 „შემსყიდველს“ უფლება აქვს:

- 8.2.1 შეამოწმოს გაწეული მომსახურების შესაბამისობა ხელშეკრულებით გათვალისწინებულ პირობებთან. განხორციელოს კონტროლი და ზედამხედველობა „მიმწოდებლის“ მიერ ხელშეკრულების პირობების დაცვაზე;
- 8.2.2 მოითხოვოს იმ ზიანის ანაზღაურება, რაც გამოწვეულია მიმწოდებლის მიერ ამ ხელშეკრულებით ნაკისრი ვალდებულებების შეუსრულებლობით ან არაჯეროვანი შესრულებით;
- 8.2.3 მოსთხოვოს მიმწოდებელს ამ ხელშეკრულებით ნაკისრი ვალდებულებების სრული, ჯეროვანი, დროული და კეთილსინდისიერი შესრულება;
- 8.2.4 მოსთხოვოს მიმწოდებელს გამოვლენილი ნაკლის დაუყოვნებლივ აღმოფხვრა;

8.3 „მიმწოდებელი“ ვალდებულია:

- 8.3.1 დაიცვას ხელშეკრულებით გათვალისწინებული ყველა პირობა;
- 8.3.2 კვალიფიციურად გაუწიოს შემსყიდველს ამ ხელშეკრულების მე-2 მუხლში აღნიშნული მომსახურება;
- 8.3.3 ხელშეკრულებით გათვალისწინებული მომსახურების გაწევისას აცნობოს შემსყიდველს ყველა განსაკუთრებული გარემოების შესახებ;
- 8.3.4 აუნაზღაუროს შემსყიდველს ის ზიანი, რაც გამოწვეულია მის მიერ ნაკისრი ვალდებულებების შეუსრულებლობით ან არაჯეროვანი შესრულებით;
- 8.3.5 საკუთარი ხარჯებით უზრუნველყოს შემსყიდველის მიერ გამოვლენილი ნაკლის აღმოფხვრა;
- 8.3.6 წარუდგინოს შემსყიდველს ფაქტიურად გაწეულ მომსახურებასთან დაკავშირებული სრული დოკუმენტაცია.

8.4 „მიმწოდებელს“ უფლება აქვს:

- 8.4.2 მოსთხოვოს „შემსყიდველს“ გაწეული მომსახურების ღირებულების ანაზღაურება ხელშეკრულებით გათვალისწინებული პირობებით;
- 8.4.3 მოსთხოვოს შემსყიდველს ამ ხელშეკრულებით ნაკისრი ვალდებულებების სრული, ჯეროვანი, დროული და კეთილსინდისიერი შესრულება.

მუხლი 9. ხელშეკრულების პირობების შეუსრულებლობა

- 9.1 ხელშეკრულებით ნაკისრი ვალდებულებების შესრულების ვადების გადაცდენის შემთხვევაში ყოველი ვადაგადაცილებული დღისათვის მხარეს ეკისრება პირგასამტეხლო შეუსრულებელი ვალდებულების ღირებულების 0.02 % ოდენობით;

- 9.2 მიმწოდებლის მიერ ხელშეკრულების არაჯეროვანი შესრულების შემთხვევაში მხარეს ეკისრება პირგასამტეხლო ხელშეკრულების ღირებულების 10 (ათი) % ოდენობით;
- 9.3 იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური მოცულობა გადააჭარბებს ხელშეკრულების ღირებულების 5 (ხუთი)%-ს, შემსყიდველს უფლება აქვს ცალმხრივად შეწყვიტოს ხელშეკრულება.
- 9.4 საჯარიმო სანქციის გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

მუხლი 10. ხელშეკრულების ინსპექტირების პირობები

- 10.1 შემსყიდველს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულებაზე და განახორციელოს მომსახურების ხარისხის პერიოდული ინსპექტირება;
- 11.2 მიმწოდებელი ვალდებულია საკუთარი რესურსებით უზრუნველყოს შემსყიდველის მიერ ინსპექტირების ჩატარებისათვის ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს შემსყიდველი;
- 10.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა;
- 10.4 ხელშეკრულებით განსაზღვრული პირობების კონტროლს განახორციელებს სსიპ - მასწავლებელთა პროფესიული განვითარების ეროვნული ცენტრის სტრატეგიული დაგეგმვის და ანალიზის სამსახურის საერთაშორისო ურთიერთობების და კვლევების კოორდინატორი გურამ სულაქველიძე, რომელიც წერს დასკვნას ხელშეკრულების პირობებთან შესაბამისობის შესახებ.

მუხლი 11. ხელშეკრულების შეწყვეტა

- 11.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ;
- 11.2 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან;
- 11.3 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:
- 11.3.1 თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- 11.3.2 მიმწოდებლის გაკოტრების შემთხვევაში;
- 11.3.3 საქართველოს კანონმდებლობით გათვალისწინებულ სხვა შემთხვევებში.
- 11.4 ამ მუხლის 11.3 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება. მუხლი

12. ხელშეკრულების პირობების გადასინჯვა

- 12.1 მხარეები უფლებამოსილნი არიან მოახდინონ ხელშეკრულების პირობების გადასინჯვა და ცვლილება შეიტანონ მოქმედ ხელშეკრულებაში;
- 12.2 ხელშეკრულებაში ცვლილების შეტანის ინიციატორმა მხარემ წერილობითი სახით უნდა აცნობოს მეორე მხარეს შესაბამისი დასაბუთებული ინფორმაცია;

12.3 დაუშვებელია ხელშეკრულებაში იმგვარი ცვლილების შეტანა, რომლითაც უარესდება ხელშეკრულების პირობები შემსყიდველი ორგანიზაციისათვის ან იზრდება ხელშეკრულების ღირებულება, გარდა საქართველოს სამოქალაქო კოდექსის 398-ე მუხლით, „სახელმწიფო შესყიდვების შესახებ“ საქართველოს კანონის და „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის № 12 ბრძანებით დამტკიცებული წესით გათვალისწინებული შემთხვევებისა;

12.4 ხელშეკრულების პირობების ნებისმიერი ცვლილება უნდა გაფორმდეს შეთანხმების სახით, რომელიც ჩაითვლება ხელშეკრულების განუყოფელ ნაწილად.

მუხლი 13. ფორსმაჟორი.

13.1 მხარეები არ აგებენ პასუხს ხელშეკრულებით გათვალისწინებული ვალდებულების მთლიანად ან ნაწილობრივ შეუსრულებლობისათვის, თუ ეს გამოწვეულია ფორსმაჟორული გარემოების დადგომის გამო და თუ ეს დაიწყო ან განვითარდა ხელშეკრულების დადების შემდეგ;

13.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, ემბარგოს დაწესებით, დაფინანსების მკვეთრი შემცირებით და სხვა;

13.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან;

მუხლი 14. ხელშეკრულების მოქმედების ვადა

ხელშეკრულების მოქმედების ვადა განისაზღვრება ხელშეკრულების ხელისმოწერის დღიდან და ძალაშია 2017 წლის 31 დეკემბრის ჩათვლით.

მუხლი 15. დავები და მათი გადაწყვეტის წესი

15.1 წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას მხარეთა ერთობლივი მოლაპარაკების საფუძველზე;

15.2 თუ “შემსყიდველი” და “მიმწოდებელი” მოლაპარაკების დაწყებიდან 10 (ათი) დღის განმავლობაში ვერ შეძლებენ შეთანხმების საფუძველზე გადაწყვეტილ დავა, მაშინ ნებისმიერ მხარეს შეუძლია მიმართოს სასამართლოს მოქმედი კანონმდებლობით დადგენილი წესით.

მუხლი 16. სხვა პირობები

16.1 ამ ხელშეკრულებით გაუთვალისწინებელი პირობები რეგულირდება საქართველოს მოქმედი კანონმდებლობით;

16.2 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე;

- 16.2 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე;
- 16.3 მესამე პირთან (პირებთან) ურთიერთობაში მხარეები მოქმედებენ თავიანთი სახელით, ხარჯებითა და რისკით;
- 16.4 წინამდებარე ხელშეკრულების რომელიმე პუნქტის ბათილად ცნობა არ იწვევს მთელი ხელშეკრულების ან მისი სხვა პუნქტების ბათილობას;
- 16.5 წინამდებარე ხელშეკრულება არ შეიცავს არანაირ სიტყვიერ დამატებას;
- 16.6 დანართები წარმოადგენენ ამ ხელშეკრულების შემადგენელ, განუყოფელ ნაწილს და მოქმედებენ მხოლოდ მასთან ერთად;
- 16.7 მხარეებს შორის ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე;
- 16.8 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილია მხარეთა მიერ;
- 16.9 ხელშეკრულება შედგენილია 3 (სამი) თანაბარი იურიდიული ძალის მქონე ეგზემპლარად, ქართულ ენაზე. 2 (ორი) ეგზემპლარი ინახება შემსყიდველთან, 1 (ერთი) ეგზემპლარი გადაეცემა მიმწოდებელს;
- 16.10 გამარჯვებული პრეტენდენტის სატენდერო წინადადება და დანართები თან ერთვის წინამდებარე ხელშეკრულებას და წარმოადგენს მის შემადგენელ ნაწილს;
- 16.11 ყოველივე ზემოაღნიშნულის დასადასტურებლად, სათანადო უფლებამოსილებით აღჭურვილმა ქვემოთ აღნიშნულმა პირებმა ხელი მოაწერეს წინამდებარე ხელშეკრულებას.

მუხლი 17. მხარეთა ხელმოწერები


„შემსყიდველი“

„მიმწოდებელი“

სსიპ - მასწავლებელთა პროფესიული
განვითარების ეროვნული ცენტრი

შპს „ბაკურიან ინვესტ“


დავით ხვედელიძე
დირექტორის მოვალეობის დროებით
შესრულებელი


მარიკა კოპალიანი
დირექტორი



მომსახურების ხარჯთაღრიცხვა					
№	გასაწევი მომსახურების დასახელება	რაოდენობა	დღეების/დამეების რაოდენობა	ერთეულის ფასი	საერთო ფასი
1	სასტუმროს ნომრით მომსახურება, 2017 წლის 04-07 ოქტომბერი				
1.1	არაუმეტეს ორადგილიანი ნომერი	20	3	23.6	1416
1.2	ერთადგილიანი ნომერი	25		29.5	2212.5
სულ					3628.5
2	საკონფერენციო და სატრენინგო ოთახის დაქირავება				
2.1	სატრენინგო ოთახი	2	2	265.5	1062
2.2	საკონფერენციო დარბაზი	1	3	354	1062
სულ					2124
3	კვებითი მომსახურება				
3.1	საუზმე	45	3	8.26	1115.1
3.2	სადილი	45	3	11.8	1593
3.4	ვახშამი	45	3	10.62	1433.7
3.5	ყავის შესვენება (დღეში 2-ჯერ, სულ 6)	45	6	3.54	955.8
სულ					5097.6
4	მონაწილეთა ტრანსპორტირება				
N	დასახელება	სატრანსპორტო საშუალების დასახელება	რაოდენობა	ერთეულის ფასი*	საერთო ფასი
4.1	მონაწილეთა ტრანსპორტირება სასტუმრომდე	ავტობუსი	45	41.3	1858.5
4.2	მონაწილეთა ტრანსპორტირება სასტუმროდან თბილისში	ავტობუსი	45	41.3	1858.5
სულ					3717
საერთო ფასი დღგ-ს ჩათვლით					14567.1

„შემსყიდველი“

სსიპ - მასწავლებელთა პროფესიული განვითარების ეროვნული ცენტრი

დავით ხვედელიძე
დირექტორის მოვალეობის დროებით
შემსრულებელი


„მიმწოდებელი“

შპს „ბაკურიან ინვესტ“

მარიკა კოპალიანი
დირექტორი


ჩვენ ქვემოთ ხელისმომწერი, ინტერესთა კონფლიქტის თავიდან აცილების მიზნით, გავცანით „სახელმწიფო შესყიდვების შესახებ“ საქართველოს კანონის მე-8 მუხლს (ინტერესთა კონფლიქტის თავიდან აცილების პირობები) და ხელის მოწერით ვადასტურებთ, რომ მიმწოდებლის მიმართ (შპს „ბაკურიან ინვესტი“) არ ვიმყოფებით ინტერესთა კონფლიქტში.

სსიპ - მასწავლებელთა პროფესიული განვითარების ეროვნული ცენტრის დირექტორის მოვალეობის დროებით შემსრულებელი



/დ. ნიგდელიძე/

სსიპ - მასწავლებელთა პროფესიული განვითარების ეროვნული ცენტრის სტრატეგიული დაგეგმვის და ანალიზის სამსახურის უფროსის მოვალეობის დროებით შემსრულებელი



/ბ. დოლიაშვილი/


სსიპ - მასწავლებელთა პროფესიული განვითარების ეროვნული ცენტრის სტრატეგიული დაგეგმვის და ანალიზის სამსახურის საერთაშორისო ურთიერთობების და კვლევების კოორდინატორი



/ს. შალაგელიძე/


ვიზირება:

სსიპ - მასწავლებელთა პროფესიული განვითარების ეროვნული ცენტრის ფინანსური და მატერიალური რესურსების სამსახურის შესყიდვების კოორდინატორი



/ბ. გოგოლაშვილი/

სსიპ - მასწავლებელთა პროფესიული განვითარების ეროვნული ცენტრის ფინანსური და მატერიალური რესურსების სამსახურის უფროსი



/ი. მებისაური/